



Tuhaqtauyughaq

Kaanataup Ukiuqtaqturmiutanga Igluqpaa angmaumaliqtuq *Kaanataup nunagiyanga pipkaijtutayut pulaaqtunut 2010mi Ukiuqtaqtumi Ulapqipkailiqqata*

VAANKUUVAMI, British Columbia-mi (January 14, 2010)

Kaanataup Ukiuqtaqtumiutanga Igluqpanga angamaqtat ukkuannga ublumi Vaankuuvami. Akhuurutauyuq naunaitkutaq ihumaliuqtamiknik atuliqtitaugiami pingahuuyut Ukiuqtaqtumiutat avikturhimaninngit Vaankuuvami 2010 Ukiuqtaqtumi Ulapqivingani, pipkaijtutauniaqtuq inuit naunaiyarumagumik nunagiyamikni, pulaarviuninga maniliurninganiklu nunavunmi tautupkaigiamiklu Ukiuqtaqtumiutanik hanaugaliurniit mirhuqningillu.

Hivuliqtuyut Nunavunmit, Nunatsiarmit Yuukaanmillu quviahuutigiliqtaat ublumi angmaqtirininninganik tamainnut Kaanatamiutanut pulaariamikni Ukiuqtaqtumiutaq uumani 602 West Hastings Apqutigiyangani talvani Vaankuuvami 2010 Ulapqipkailiqqata unalu Timimitigut Ayurhauitgit Ukiumi Ulapqipkaininngit April 2010mut.

“Kaanataup Ukiuqtaqtumiutanga Igluqpanga pinniqliaqtuq pulaarviuyuq taimaa tautuktipkaigiaptikni Kaanataup Ukiuqtaqtuninngit nunaryuaptiknut,” uqaqtuq Nunavut Hivuliqtinga Eva Aariak. “Tamaita quuliuyut tautuktipkaiyut talvani inniaqtut tuhaagiaptikni tautugiaptiknilu unipkaaptiknik, aatlatqiiuqu pitquhivut ilitquhivullu ulapqiutikpuk inuknut qainahuaqtunut Vaankuuvami 2010 Ulapqipkailiqqata unalu Timimitigut Ayurhauitgit Ukiumi Ulapqipkaininngit.”

“Ukiuqtaqtuq piqaryuarhuni uqariikhimayunik piinariaqihimaninnginniklu pulaaqtunut, maniliuqtunut talvunnga nuulihaaqtunullu,” uqaqtuq Nunatsiap Hivuliqtinga Floyd Roland. “Tuhaqtipkaiyumayavut tamna unipkaa nunaryuamut uumunngalu Kaanataup Ukiuqtaqtumiutanga Igluqpanga talvani ittuq nutqaqtigiyaugiami inuknut naunaiyarumayut qanuqtut Ukiuqtaqtuq humik tuniyukhaq.”

Kaanataup Ukiuqtaqtumiutanga Igluqpanga piqaqtuq taigualiurvikmik naalautikkuurvikmiklu, tunngavinga aatjikutaliurhimayurlu arhalianguanik qiqlaraaqtuq igalaamit. Angiyurlu inuksuk nappaqtihimayut Nunavuutim Kamisinaugaluanganit Peter Irniq tautuknaqtuq haniani ukkuap pulaaqtunut. Iluani naunaipkainiaqtut nunagiyamikni, pulaarviuninga maniliurninganiklu Kaanataup Ukiuqtaqtumininnganik .





“Yuukaankut ilautjutininnga uumani Kaanataup Ukiuqtaqtumiutanga Igluqpanga uumani 2010 Ulapqipkailiqqata unalu Timimitigut Ayurhauitigut Ukiumi Ulapqipkaininngit arlingarutaayuq,” uqaqtuq Yuukaan Hivuliqtinga Dennis Fentie. “Una pulaarviuyuq pipkaijtutiginaqtaik Yuukanmiutat pipkaijtutauniaqtuq Yuukanmiutat tamainnilu ukiuqtaqturmiutat havaqatigiingit naunairiamikni Ukiuqtaqturmi Kaanatamiutat inuuhingit, pitquhingit, aullaarutingit, havaangit maniliurutinginniklu.”

Kaanataup Ukiuqtaqtumiutanga Igluqpanga tautuktipkainiaqtuq niuvrutigilutiklu Ukiuqtaqtuqmiutanik hanaugaliurniq mirhuqnikou inuknut. Piksassuuqtiplutiklu, maniliurniq pulaarniqlu talvani pulaarviuyumi. Avikturhimaninngillu qunngiaqtukhamiklu tautuktipkainiaqtut Ukiuqtaqtumik ubluqaliqqata quviahuutigipkailiqqata Tallimiumni Santimut uumani February 19mit 21mut, 2010.

Kavamauyut pingahuuyunit avikturhimayunit talvani ittut ublumi angmaqtilirmata Vaankuuvami Nangariyayumit Peter Taptuna, Nunavunmi Ministauyuq Pivalliyuliyiqyikkunnut unalu Hivuliqtiup Tuglia, Nangariyayuy Bob McLeod, Nunatsiarmut Ministauyuq Hanayauhmayunut, Pulaarniqmut Maniliurninnganullu unalu Nangariyayuy Elaine Taylor, Yuukaanmut Ministauyuq Pulaarniqmut Pitquhirmullu Hivuliqtiup Tugliangatalu.

###

Taiguarnikkut naalautikkullu tuhaqtipkainikkut naunairumaguffi, hivayarlugu:

| | | |
|---|--|--|
| Matthew Illaszewicz Nunavut Kavamangani 867-975-7818 867-222-0122 cell millaszewicz@gov.nu.ca | Andrew Matthews Nunatsiap Kavamangani 867-669-2302 andrew_matthews@gov.nt.ca | Roxanne Vallevand Yuukaap Kavamangani 867-633-7949 Roxanne.vallevand@gov.yk.ca |
|---|--|--|

